



豐陽先生集卷之七

海鹽馮臯謨明卿甫著

侄振宗孫惟恒

際可

珍聘訂

序三

蔡鰲陽明府考績加恩序

代葉叅戎作

鰲陽蔡公繇進士上第出宰鹽既三載政成臺使  
奏上最狀 上褒之賜太公沙溪先生太母梅夫

人階秩如公官煌煌 天書紛綸照耀於馬鬣間  
盛矣縉紳先生咸摛鴻詞以彰明德不佞武人烏  
能言卽言亦烏能加於諸大家言顧所不容已於  
言者則請終言之蓋縉紳介冑世人類竝稱焉而  
實有非燮者武士卽能建牙擁燾燮不過竭智勇  
才技於一軍之任乃賞罰進止芻粟出入權悉屬  
文吏武士欲有所推挽延譽必借文士吻齒頤頰  
以爲重燮而得之固難矣乃不佞何以侷得之公  
也始余從塞上來公杯酒逆余語次及塞事慨然

壯余曰南北事一爾若非樓船下瀨任耶而可謂  
古今人不相逮哉余謝不敏公則不靳九鼎大呂  
游揚我於當軸者卽當軸時屬公耳目亦必青黃  
黼黻余余三事臺使三見知遇公實陰爲地也比  
者海警突聞遠邇奔駭余靺鞨馳而往親帥餘皇  
組練士且戰且逐於狂濤窮嶼中至不見夷筏而  
還余力如是止爾公以其間內固其民外嚴其守  
左手提轡右手持糗百問百給捷疾援應蠟書曼  
筴曲中機宜而余因得發紆三軍之愾幸以逭於

責夫非公賜哉余惟先將軍百戰海上今所按部  
則先將軍揮戈躍馬處也間奉母氏署中婆娑庭  
樹多先將軍手植念自徒步起忝備茲員獲弔先  
人遺可謂奇遭而碌碌無尺才可指遏佚前人光  
且無以慰母氏大愧不孝公負瑰偉一試而當  
天子意建奠安綏攘勩以承 國恩益擴光前之  
孝於國爲勞瘁之臣於民爲慈惠之長人之材畧  
相去遠矣余故奉卮酒再拜賀公又頓首酌酒望  
宣城墟里遙拜賀太翁太母九原願公名位日崇  
早歷台階太翁太母益隆 天子之貺褒章重錫  
而某亦得杖馬簪効公疆圉之役

邑侯范和所膺獎序

范侯和所初拜令吾邑邑方有踐更役當籍民數  
以獻有好繁其說者羣起相訾言籍事交關於庭  
當道檄侯促任侯至之曰父老扶杖夾道傍望之  
渥顏飄鬚曰偉哉其以我爲托命者哉比視事繁  
其說者曰蒲伏階下啁噪喧囂不已侯嘆曰舉大  
政徒快臆決不度衷人情事何由濟於是嘗眠學

問籍事便宐於諸生得十三再謁諸縉紳問便宐  
又得十五六更進鄉三老亭長諸曹掾史問便宐  
亦如問之諸生縉紳者不啻得十七八侯以片言  
斷之下令聚通邑民千六百之役兩手操尺量提  
衡之以田準役以役傳田蘄於均平不蘄於取盈  
銖銖兩兩寸寸尺尺用調劑其政因和輯其民人  
而咎之繁其說者斂跡而不復肆蓋侯自銘其所  
亦曰和施之有政亦歟所醞釀素矣初議起時余  
方食私俗籌曰如是否者四如是可者六暨竣事  
出其言筭中侯覽之以爲非謾亾何齷使張公侈  
侯賢下旌書侯佐胡陳二君諏曰張具爲賀而問  
言於余余謝不敏是夜夢有神物革決呿芮起龍  
淵之墟走雷霆動雲雨大和氤氳滿宇宙覺而嘆  
曰此豐城劔耶胡見夢也夫侯非豐城產哉和一  
邑以和天下始兆之矣

王司訓臺獎序

泰和王先生來司訓邑庠再期臺使者下書旌勞  
余咎泰吉州役雅知先生家世甲第聯蟬爲泰和

豐陽先生集 卷一 四  
冠族數從先生問玉華金魚山水亾恙先生亦時  
過余歡洽茲宜有言賀先生乃余獨重先生所以  
待其僚學諭盛君也盛君東泉者端約自好君子  
會諸生以事忤上官旨盛君知其寬力護之亦長  
者之道宜爾迺上官猜之遂憤氣勃勃走縣納章  
綬求解太先生慰留之不得則率諸士匍匐赴當  
道剖心爲盛君白詞至懇切盛君因留之上官亦  
弗罪也學博士各天相聚無權位傾軋旦夕交驩  
爲誼何所不可至乃較量瑣尾或橫生却釁相擠

排今適太往往有之何深嫌至是安能不爲士類  
非誚也乃盛君欲太先生顧繾綣申揅惟力是視  
亦大可異矣唐司業楊公署諫職嘿嘿曰飲良醞  
乃贅滂三數公事起毅然具書邀拾遺王公伏闕  
引誼諫諍而司業之名以傳吾固因盛君事益覘  
先生爲人非所謂近古豪傑倜儻不囿於俗者哉  
夫吏治稽政績詢事考言甚顯白也文學官職在  
教士非有簿書錢穀訟牒諸事可爲衡覈施殿最  
惟是竒傲之行道德之守足表見耳盛君爲先生

留而先生亦以此受旌書上官則亦信乎朋友獲  
上之道也余益以重先生

送張別駕還郡序

郡別駕張公視吾邑篆於二三群屬貴倨矣始二  
三屬吏逐於郊惴惴然思乘以自效一當公意公  
至則俯容接之曰若曹母遠我我與若猶一堂爾  
爾鴻漸職清戎攝茲捕事毋忽干掇刑法紀爾一  
夔職庾事兼茲歲輸毋不虔於筦籥曠廢其業爾  
柯領諸曹椽曹務實繁其益慎益勤毋墮於初二

三屬吏咸頓首受誠惟謹竊惟上下相制有御道  
焉譬二三屬吏其馳驟轅軌者也而公則爲之戎  
右所用齊輯乎轡街之際急緩乎唇吻之和執節  
於掌握之間酌施於疾徐之用公益御得其道矣  
茲其去也民若士攀者臥者夾道而呼且號而二  
三屬吏亦泣而送之郊且跽且伏俱昵昵不驛問  
所以不驛狀曰鴻漸理戎務矣值璽書使者曰督  
促於上鹽鄉販夫作姦犯科實競競焉公上信下  
懾俾我得以追讐責惟漸幸甚曰一夔故司庾往

庚吏計緡入賄有例夔二載收粟距數萬未嘗入  
私一錢觀風者以曩例槩疑我寃甚公庭爭之力  
得稍白不則幾被譴也惟夔幸甚曰柯實領諸椽  
曰事左右奏刀筆伎慮不免護讓公曰是吾幕下  
吏書上考小吏實藉爲榮惟柯亦又幸甚夫國家  
張設官吏經緯政事莫不體統相承上下歡欣以  
共成協衷之化理百物之宜睹近長令挾勢位驕  
亢益尊群屬吏異恩謫畏益卑甚則奴虜甘之屏  
息不敢仰視蔑分官分職之義無相師相承之益  
徒以俛首蒲伏取容公不旋踵詬厲姍笑隨之固  
長吏先爲之爾聞隣封有屬吏遭長令窘辱至慘  
吾甚傷焉於公之行特著於篇將以風之

贈槐庭沈翁賜高季爵序

國家廣錫類之孝士通籍以上咸得以其尊逮所  
親爰或有遭逢不偶典或未及者乃親親尊尊之  
心則一也槐庭沈翁有子豐南位大夫通顯矣不  
幸宦業中躋俾而翁踽踽布韋終間里無不怡之  
會天子有恩詔予高季爵於是翫太府李公檄



縣以例褒翁時別駕張公適署縣筮曰陳禮幣張  
鼓樂飭車徒敦臨閒雅都甚衢市觀者塞道翁再  
拜服命服設僕帳羅酒饌與別駕公勸酬交錯觀  
者又莫不嘖嘖嘆以爲翁父子慶時余廁末席翁  
則數顧謂余曰是何以此冠若服者拘攣我哉維  
是炎焯岸幘裸身蔭綠槐納涼風奕一局爲媮快  
耳蓋翁性嗜奕始豐南子困咕啤落落鄉校中發  
憤不能顧生產計窘矣翁不爲慮奕自若嗣豐南  
子擢上第刺名州擘擘聲動戚里阿承蠅聚從吏

爲田宅計者雜選翁雅不應奕自若旣豐南子以  
直稟齟齬五斗行盡蕭然故吾往往酒間發憤歎  
詫不能辨不平意翁亦了不念奕又自若翁之言  
曰力田不如逢季善仕不如遇合吾上世業殷殷  
盛矣至於余而式微而吾兒且嗣起兒爲貪吏乎  
財賄盈溢身蒙恥辱貪吏安可爲也爲廉吏乎叔  
敖之子負薪不能自給廉吏安可爲也吾奕乎吾  
奕乎以是老可矣古之逸人或放於酒或溺於琴  
或耽於奕皆情有所適故托於物以寄其悰此曠

達之所爲也翁之奕其果有所托以紓其憤懣之  
悰乎抑兼所爲而取於自適也兼所爲則尤達矣  
諸長老先生曰翁之達豐南子之賢語云是父是  
子非虛矣遂書之以爲翁賀

壽莫中江方伯七袞序

道家言貴以身於爲天下則可以寄天下處以身  
於爲天下則可以托天下夫托寄天下於身非貴  
且處者不能而貴且處云者則養壽命之說也彼  
夫汨沒世榮以其身遊於恣睢轉徙之塗不足與

寄托可知矣衆庶憑生林林天壤若夫耳目聰明  
而心睿知躬仁服義出有顯行處有高蹈天下以  
爲托寄其人寧輓近世覩見也茲非道德之符而  
聖人所謂上壽者與孟軻氏言壽而以修身立命  
當之立命者壽也修身所以爲壽也莫公中江起  
白屋掇巍科舉上第翔遊儀曹出師帥貴陽士子  
歷吾浙右轄拂衣太公所至文學飾政忠信厲俗  
聲施爛焉最著者貴當四省交山箐夷僮甌脫地  
文教所濶畧公振作而變易之嘉隆來菁莪士郁

郁起 詔特增解額公有力也公韶歲登朝旅進  
旅退出如鳴鳳退如螫龍公實不欲以區區世榮  
易道德素屏居杜門究心太上兼爲之旨窺闢蘊  
奧以其緒餘寄之文章婆娑經史典籍樂此非疲  
詩逼盛唐名家楷出入鍾王墨跡流布士林共寶  
豈非古所謂有道之士能貴慶其身者耶泐於宇  
內稱沃區人文富麗都甚閭里驕奢侈溢田廬服  
食矜誇勢能之榮公以若所爲表帥風俗不言而  
化是亦爲政天下托寄之矣公七十引季自休高  
卧益堅部使者益絡繹薦公余敬奉卮酒再拜爲  
公壽復醜酒北望告公曰 今上冲聖飢渴求賢  
欲得耆老之臣副托寄之重非公其誰願公強飲  
食益凌且貴其身幸兼恙以爲天下旦日有召命  
促矣因書之爲壽觴侑

壽湯太夫人七袞序

今茲王春湯母高太夫人壽七袞丈夫子三君者  
效萊子服捧觴膝下上壽太夫人相吾師龍渠先  
生顯名學仕舉三君子者俱琅琅剡儒林豈非賢

母哉曩先生治尚書經有聲文苑遐邇士負笈門  
下甚衆余不佞綴末行最受知置余丙舍與其三  
君子者友也太夫人食啖余給余膏讀耿耿東壁  
餘光至今可想洎先生舉進士宰望邑入佐兵曹  
出按中州時余越在楚粵每使起居先生洎太夫  
人聞七箸亾恙退語妻孥動色喜蓋余事太夫人  
猶母也竊念先生負才跣屣初因諸生落落佔俾  
日聚群弟子譚經講業家人產一切置勿問則太  
夫人襄之於內也及歷宦所至矯厲名行皦然不

滓比太人輒思之不忘何其廉介牧愛君子也又  
惟太夫人實從與之今先生不可作矣惟茲三君  
子且與余惇崇世好托締葦葭茲值太夫人稱上  
壽余喜躍不在門弟子先耶嘗愛潘安仁賦敘其  
真羊酤酪奉太夫人板輿行園樂飲絲竹駢羅以  
爲生人之樂極矣三君子才豈下安仁閑居事親  
僕鋪張一賦當播流海上傳爲盛事而太夫人意  
猶未驛燮者以三君子尚厄場屋如龍渠先生少  
年時名雖高試猶未利也蓋賢母之愛其子棄不

豐陽先生集卷之八  
欲以功名顯者矣要以諸君才英英逼人譬則在  
匣之劍光芒須時發耳異時囊書分道走兩都芥  
拾科名使宇內稱曰龍渠先生有子太母之心豈  
不慰藉永永哉太夫人聞余言謙曰生知我是可  
以壽我矣命三君子報曰敬舉子之觴以俟子言  
之驗

豐陽先生集卷之七終

豐陽先生集卷之八

海鹽馮臯謨明卿甫著

侄振宗孫惟恒

際可

珍聘訂

記一

浙西叅將府題名記

浙以西杭嘉湖三郡東傳大海日本諸島夷時乘  
汎入寇抄爲害高皇帝經畧邊陲置衛若所海

上擇禦之嗣又推擇衛指揮一人充把總官治其  
師顧勢不甚相下未有所統一也嘉靖壬子倭內  
訐益亟新安胡公受命征討疏於朝設叅將  
四總全制諸衛戎事體統與按察使者頡頏而屬  
軍令於開府如各邊制於是淞西始有叅將其屬  
把總一衛三所六而海寧衛居其重設兵水三千  
陸三千而水兵三關扼其要戍守險澳十而芋許  
二山當其衝南抵紹之三江北抵淞之金山聲勢  
聯絡實相爲犄角云我國家東南陞諸郡邑人

物之盛財穀之產甲於寰區自中倭以來物力稍  
稍稱詘而中原亦以衰耗叅將以身干城總帥而  
安攘之算東南以尊區宇非赳赳雄畧材望丕世  
出之姿烏能戡其任而媿快乎先茲湯公克寬手  
提一旅師脫孤城倭吻名最著迨海氛漸息議論  
叢興胡公功坐紬湯公亦中吏議公海上事一切  
收張額兵屢縮非舊時矣嗣是若盧公鏜之謀猷  
楊公縉之機警張公四維之老練胡公守仁之揮  
霍皆世所稱名將率亦未有能展拓四體建殊茂

之烈者他夏可知也是以論世者不能無歎息焉  
今王公尚文由武科高第來守茲土值烽燧久寢  
轅門無事爰蒐開署以來諸將軍姓名勒石以昭  
示來茲不忘 朝廷所以急制西而增置帥臣之  
意余嘉其爲不朽盛舉也遂因衛指揮姚磐雀成  
俊之請而爲之記公提身不滓馭士有恩以世之  
承平無所自見其竒曰惟群諸材官投石躍距教  
肄於庭或雍容雅歌爲軍中樂蓋亦所稱福將也

報恩祠記

縣郭西天寧寺左荆報恩祠成爲郡守李公也公  
守郡四載惠澤流布七屬交暢而於吾鹽海災拯  
拯恩尤大故邑人德公倍他屬爲祠祀公初公將  
入覲鹽人乞留公臺使者代奏不得比覲公言者  
以他事中公計典鹽父老千人重繭走 闕下訟  
冤而計偕王生者故奇士呂言於都繼以涕事得  
白至是祠成則公移守梧州公吾郡閱歲矣公諱  
椽字某江西豐城人登嘉靖壬戌榜進士由尚書  
郎出守吾郡朗性踔識曰炯炯射人事經曉洞見

底裏闔屬公私大小利蠹良窳若身履其地而周知其詳爲政務持廉秉公芟浮剔蠹煮治豪健扶植經紀諸美懿難悉數而鹽以海災德公則請終言海事憶乙亥夏五颶風大作海潮溢塘圯溺者三千餘人田塍盡浸爲斥鹵苗盡歿公聞之泝小艇至老稚裸跣汗泥中號呼擁車前請命公淚泫泫下爲忍饑觸暑遍歷瀕海村落出金錢米粟賑恤之浮骸塞路分遣幕屬給棺槨收瘞爲文禱海神曰惟我罪不當及民且請蠲今年田租具言所

以災傷困苦狀至不忍讀及議興工築塘爲捍患計一切方畧皆公所條上務垂永久事具海塘錄中比興築獻計者多言役民公感額曰衆方脫歿命奄奄一息以拯揀望我而忍役之改而爲僱募不以煩民時部使者絡繹視塘厨傳供億不貲復念鹽民難堪檄屬旁邑邑人若勿聞者蓋公諸所摩撫慰藉災民心力殫瘁亦旣乘纖毫靳矣郡人私竊譏言而鹽人公產子耶公聞之笑曰吾視而郡子均也鹽邑人則子之有疾者而姑爬搔之爾



今吾鹽桑麻以養生齒晏如誰出之墊溺而免於  
炙腹敢忘公恩則敢忘所以報公恩萬一哉今茲  
祠成邑人瞻拜祠下見公肖像形神儼如莫不低  
迴太息不能去者何知有德人饗其利者爲有德  
卽欲弗思公其安能弗思乎 國家考功令文苛  
而操議者塗徑又不一往往賢守令誤註其典率  
以不振熒而民實有口遺德在人固難爲盡沒也  
前守貴溪徐公進賢何公非以遭讒去者耶乃循  
良餘澤至今人能道之不以讒故滅口也何獨公  
哉何獨公哉父老謂余言直宜書之爲祠記遂不  
辭而爲之書

邑侯范公公思碑記

范侯蒞吾鹽三載甫報最以憂去邑人士思之不  
驛相率赴當道具言侯所以不可忘請勒之石垂  
不朽當道許之余得筆記其事按侯非獨政績茂  
也亦德意孚焉侯介直端諒固猶行古之道者比  
任例當籍民數以獻邑中一大興除矣邑人攘攘  
誦言大意欲均抑大豪寬息熾戶侯曰唯唯否否

吾所持者衡也亡抑大亦亡困小兩手舉百六十  
一里之役而劑量之亾錙銖爽焉而戶巨細盈縮  
及強弱臧慝得一鑒別識之侯性穎慧彊記經  
目不忘歲役踐更一覽牘取酌胸臆低者低之昂  
者昂之其以訟造庭下危坐堂皇情賧立見斷獄  
要以剖劈非是而用恣實舒未嘗私徇喜怒一入  
久之訟者屏悚三季不敢飾一詞調上上官重侯  
卽掾史誑誤多貫之各私竊尉喜曰侯嚮束薪繩  
我甚苦固比我矣邑南角里暴水隄決殺禾稼緣  
隄千口徬徨告饑侯蒿目憂之亟相度甃以石勸  
得穀數百斛屬丞一夔齋入巖谷資其家畸戶虛  
稅抵負亾已時覈得沒田千曰詭沒也者非卽所  
負與請以裨所負暇日進諸譽士譚討文藝士貧  
不能業置田租給贍出納具有成算焉間嘗有所  
不得則自言曰吾儕躡屩取位託民庶之上豈與  
希鞬曲脰阿承大吏旦夕取美聲公平吾求所以  
事事矣議儲石備塘患議磨册清弊源議分工固  
城築俱恣垂永利見諸施行乃以母喪計聞解章

豐陽先生集卷八  
綬號奔太傾邑人送之郊橐裝蕭條賸不受一縑  
或携將餽境外堅謙卻曰吾不以瀕行隳易初節  
又聞侯偕尉柯入計馳風雪中身手輝裂也一狐  
毳裘胡難製哉其剋約如此吾邑侯遠者不可睹  
記已嘉隆以來則莆田京山順德三君子爲嚆著  
侯敏達如莆田修飭如京山簡易如順德蠹焚標  
名海上則有斯石矣侯諱梅字元春江西豐城人  
隆慶辛未進士

蔡邑侯市民公思碑記

上古之世曰中爲市變化所居積之貨而已汰未  
立也中世而有治市之汰周禮司市掌治教政刑  
量度禁令次敘分地陳肆辨物禁諦同貨汰稍備  
矣燧未始立稅也蓋時方希夷經費簡畧什一而  
賦用之至裕兼俟他稅後世寓縣分割用度日繁  
官衙厨傳輿衛供應之需侈而田畝農氓財力之  
輸窘於是歛稅之汰詐布縷絲紵之征不足則有  
舟車鹽鐵酒酤之算又不足則有間架踐更之算  
所以齊正賦之窮也汰久而弊生有仁人者爲之

太其已甚而通其變則又所以濟乎征與算之窮也  
鰲陽蔡侯繇制科高等來令吾邑侯愷悌慈仁  
加意民瘼六季興禮勸學剔弊除奸政問休咎巨  
細畢具至門攤火夫二事甚瑣細侯每置念采納  
羣言反覆咨詢劑量當可議再上郡太府兼錫龔  
公守巡兩部使晉江林公陳公竝躋侯議得遂請  
按議縣故設門攤一役伺守庫藏火夫五十二名  
縣東薄大海北南皆斥鹵莽區僅僅當市里許抵  
西廂宇舍聯絡以非通衢四方商賈之貨不至舊  
有稅課司裁革門攤多僦屋販夫今日占籍於此  
或明日移籍於彼又明日罷市太巡攔破費不能  
賅亦相率竄匿太則巡攔病縣與衛竝峙衛世官  
鎔落營伍周設皆列肆而居至貴任有爵費序衿  
儒與庶人在官之屬例得優之火夫役者多擔負  
貧民晨夕不謀而又撥調不均巧僧倖免懦夫弱  
子櫛比頻仍叫囂隳突風雨怨咨則火夫病侯議  
獎嘉秀兩縣例以業主賃值科銀而優免如例徵  
派如額以西關鹵北隅屬門攤以東南東北西北

三隅及各阿坊屬雇夫行之一季輸者樂輸役者  
樂役雖其事若小關切城市數千百家嗷嗷病楚  
比侯通變之善關切城市數千百家歡忻稱慶而  
於侯之行則亦關切城市數千百家徬徨慕戀誠  
慮侯公而事有更變相率造余跪請筆記其事勒  
之貞珉余笑而應之曰若等思侯而欲記之固自  
爲之慮也歟雖然惟自爲之慮則其所繫思者益  
真余故不辭而記侯之小者以慰市民若通邑大  
政別有譏述不具嗚呼長民者托命一方心存拯  
濟則一艸一木蠕動啄息有一不得其所莫非已  
辜而何論小與大哉侯諱逢時字某贅陽其號直  
隸宣城人庚辰進士今陞禮部祠祭司主事西文  
市民不能悉書書其首事若干人左方

從仕公墓記畧

語云杞宋無徵孔子傷之余每讀其言未嘗不歎  
歎嘆也吾馮氏上世莫諄諄吾所自出者始祖生  
五子高祖從仕公子安其長也公以曾祖武德衛  
經歷梅庄公最考獲封與吾高祖母蔣媪竝嚙

孝皇恩命熒非所慕悅也居則曰吾媿且鋤而稻  
且菽咄咄豎子乃挈妻孥旅食都邑乎其古朴類  
若此邑今譚強項吏也嘗臨之公紆朱衣出盤餐  
艸具曲席刺刺雜農談譚益禮敬之比公公婆娑  
隴陌策童奚田佐如故邑延公賓飲僕主委蛇揖  
讓公踉蹌據坐曰吾髦矣不任煩絮勞睨多竊笑  
之邑今日若所謂長者吾所重也有田百畝而盈  
歲耕入粟若干斛又梅庄公以邊功分俸半縣支  
食公公罕識操縱聚族之老且少者翊冀之貧無  
依者食指常滿歲董董費且缺則志曰兒遠遊而  
恩我家耶諸弟饒機智肆上佞公忍詢下之今第  
各支散零落公一再傳我祖瑞菴公子若孫繩繩  
非公植根者遠而發生於枝葉也歟公子父塋宅  
東故塚久且眠爲莽墟伏臘祭至不至焉是何異  
蔭庇歲幾而忘其根株也余稍稍封樹復哀次所  
聞長者言勒石布諸永永俾來裔知本始惇孝思  
焉

桐林二祖墓記

桐林墓吾二祖塋焉歲時從群弟子別瞻拜則長老指示云曾大父從仕公諱璿字伯璣號梅庄父徵仕公母蔣媪蚤世繼徐氏公幼穎慧嗜學習松雪楷法逼伯之以不得徐母脫身走杭間傭書書籍有馮僉憲者閱籍得公書賞善立進諸庭叩得其所以見迫異母狀曰若姓非吾宗哉若父事我矣乃納公子舍公發憤誦業三季通毛詩會僉憲遷公托公藩長補司掾非其好也時有撫公者嚴甚省掾百不當意藩長難之呼公謂曰若甚少馮

公屬我矣誠不忍就楚辱顧若可使因泣下遣公入謁望見撫公鬚髯豺聲曰此躁性者吾知所以事事矣白請郡置牘架理各牘俵識焉遇事輒手撮語要伺門屏百問百應撫公大喜得一腐且曰藩使向以狗鼠當我哉滿考謁部授官武德衛經歷遣王威寧西征疏公叅隨公贊畫機務大見隆賢出入帷幄萬戶侯曳金緋執鞭綫焉起家白士蒙 恩得稱從仕郎父母及妻竝荷 寵命又分折俸半縣給父母養雖繇公才亦可謂殊遇矣

又言公爲掾時蕭山來某睚眦殺十八命力能使  
官夜懷二百金遺公所緩十日事濟矣蒼頭紹介  
入公扶其背曰癡奴吾受金此十八鬼者不呼寃  
乎明日訟言於公其人率隸汰嘗待漏拾遺金厄  
守其所嚮午一從史云蚤失金此地僮奴拘囚急  
且斃公訝問誰氏立起還其家奴得解公矢心  
類若此積六考遷同知守沔陽州卒於都季四十  
九歲生男一爲王父瑞菴公女一適孫松瑞菴公  
諱金字世良別號瑞菴公生長蕪地習蕪語比歸

里中兒競談眠之公嘿嘿第曰吾所不與而辨者  
豈恡爾哉各慚退公性好書多買學士家言洎醫  
卜星相裨官小說克棟涉獵咸得旨趣有疑中夜  
必起篝燈考證通解而後卽寢病咯咯嘔血卧床  
枕簟狼藉皆書也公承先人田廬兢兢守不敢踰  
尺寸終其身未嘗一掛刑書不可謂德禮長者乎  
公前配陸氏歿失塋處繼張氏生子長先府君軋  
封刑部尚書員外郎次坤女一適孫栢繼儲氏生  
子良又繼陸氏無出公以嘉靖二年卒十年得寃



茲域蓋公所預卜云先是從仕公與蔣媪逮儲母  
浮淺土日月不可攷今合塋如禮三十七季陸氏  
率榘焉嗚呼二祖以彼累德詒我後人又從仕公  
天子之命官也古先俗陋浮塋余稍廓坯土罔  
裨完骸有遺憾焉書之據所習聞嗣孫詳覽於斯  
得兼起感惻之心哉

白鶴園記

余謝粵中事歸則爲園茲山繞山植松篁檜柏結  
屋二楹楹左右雜時佳花異卉旦日携書諷詠其

中畜一鶴翩翩舞弄甚適因以名園而自稱白鶴  
園主人云余衰季意興盡屬之茲園前通水屈曲  
環流栽菱芡芙蓉門列佳樹數行挿槿編籬入門  
爲藥欄竹塢兩兩相對揉柏爲亭設石几可奕前  
二十武夷直可壺名其亭壺觴處西穿竹徑宛委  
爲庖福桃杏梅李郁茂而蕃東爲浮白軒飲所軒  
壁施以繪事一寓目而花竹禽鳥叢集几席間軒  
南累石爲山中開三洞窈窕敞豁夏涼冬燠攀蘿  
躡級延佇山巔村落綢繆原田萬頃秦駐金粟紫

雲諸山悉來獻翠下憇小亭四座皆山倏與在藻  
興至朗然一吟名其亭曰白雪又東循墻而轉樹  
木葳蕤地方丈餘可圃圃之又進爲太白居居臨  
石屏律峯壁削旁兩室斗大一室貯丹經錄諸養  
生書一置龕牀余曰面壁跏趺瞑坐間取證諸家  
書開帙諷之亦不求深解迤西爲白雲阿爲余生  
墓處氣鬱鬱然芄芄然隆隆然余間舉酒屬客笑  
而指曰吾以異日跨白鶴而遊壙垠之野宅茲玄  
丘之宮其將尋我於溪松茂柏耶抑飛鳴而過者  
識之

我耶客大笑曰公善說幻亟爲樂兼負於茲園李  
山人紹溪張山人見川各出技巧以就園事余并

豐陽先生集卷八

十四

豐陽先生集卷之八終

